

هبة حسن

أنحدك

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : أتحداك
المؤلف : هبة حسن
التصنيف : أشعار بالعامية المصرية
رقم الإيداع : 2017-26169
عدد الصفحات : 100 صفحة
رقم الإصدار الداخلى : 93
تاريخ الإصدار الداخلى : 2017 /12 طبعة أولى
تصميم الغلاف والتنسيق : الشاعرة منى الغريب

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشوق إبداعا على الوطن العربي

رئيس مجلس الإدارة
ناجى عبد المنعم



رخصة مزاولة مهنة: 58365 - سجل تجاري: 2017 / 13242 - بطاقة ضريبية: 35-01-572
عضو عامل باتحاد الناشرين المصريين رقم 941 لسنة 2018
هاتف: 01011256943 - 01116202218 - 01202541192 تليفاكس: 020554372901
[f](https://www.facebook.com/alnilwaalfourat) [i](https://www.instagram.com/alnilwaalfourat) [y](https://www.youtube.com/channel/UC...) alnilwaalfourat@gmail.com
المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنترال 13 - عقار 304

إهداء

إلى أمي الحبيبة

إلى زوجي الحبيب

الذي وقف بجانبني وشجعني ، ولولاه ماأبدعت

وما عرفت حروفي طريقها للنور

إلى أولادي كريم وسعاد وضحي

إلى أخواتي الغاليين علي قلبي

هبة حسن

عضو رابطة الزجالين وكتاب الأغاني
عضو نادي أدب القلج

إهداء خاص

إلى أستاذتي الغالية
التي علمتني كيف يكون الشعر
والتي أدين بفضلها أمام الله عز وجل
الشاعرة الكبيرة

أ / منى الغريب

&

إهداء

إلى أخى الخلق
الذى وقف بجوارى حتى ظهرت
كلماتى إلى النور
الشاعر المحترم

أ / خالد عبد السلام

هتصدقنى

هاتصدقنى لما اقولك

إن ف بعدك

طعم الدنيا .. عذاب ومرار

قلبى ماعدش

يحس بنبضه

ولا دقاته ليل ونهار

وان حقيقى

كل مشاعرى

كنت بعيشها

ف حضن هواك

وان النظرة

ف عينك جنة
وانت الشمس لكل حياتى
وانت الحلم
اللى انا عايزاه
وانت الأمل
اللى احيا عشانه
قولى ازاي
هقدر أنساه؟؟

....

أيوه بسكت

أيوه بسكت غصب عنى

مش لإنه ضعف منى

لا .. لإنى بخاف عليك

إتساهلت كتير فى حقى

مش لأنه ضعف منى

لا .. ده حب لنور عينيك

كنت فاكرك لما بسكت

إنى بضعف حب لىك

كنت باتمنى الحقيقة

يوم تبان أدام عينيك

بس فجأة لقيتنى بسكت

وانسى كل حاجة ليك

ضعت منك ويا عندك

والنهاية بين إيديك..

.....

ناهت خطاونا

ضاعت خلاص أحلامنا

وتاهت خطاونا

هو احنا ليه بقى حالنا

بنجرح فى أهالينا

يبات الحزن فى قلوبنا

ومالينا

دي حتى الدمعة فى عينينا

بتألمنا وتكوينا

من ظلم ناس حوالينا

حاولوا يجرحوا فينا

بس الأمل موجود
وموجودة أمانينا
ماتيجوا نعيش
بخيالنا لأيامنا
ولو تاه الأمل فينا
ولو تاهت خطاويننا
مسير الحلم يتحقق
ويتجدد أمل فينا

....

حاسدني

وحاسدني

على الفرحة

على اللمة.. على العيلة

على الضحكة اللي مش باينة

دي حزن ولا .. دي حيرة

على عمري

اللي ضاع ببلاش

على سنيني

اللي معرفهاش

كانت فرحة

كانت جارحة

كانت مُرة
بعذاب وآهات
كانت دهشة
على اللي فات
ومن عمري
تعدي ساعات
ما بين دمعة وتنهيدة
وبارسم ضحكة
فى ملامحي
ومن جرحي ..
باداري عذاب
واداري جروح من الأحباب
ومش ذنبي ... أكون عايش
ما بين أغراب

بنت واحدة

انا بنت واحدة

على اربع ولاد

انا شمعة طارحة

ف وسطهم

انا بنت حلوة بحبهم

انا الجمال ..

انا الدلع بعشقمهم

انا الحنان

هما الأمان .. هما السند

عمري وضهرى

اللى انفرد

من زمان وانا ضحكة
صافية ف وسطهم
هما ولادى وانا امهم ..
غاليين عليا
مع إنهم
بيكبرونى بعمرهم
مهما كتبت ف حبهم
مش هقدر اوصف
ظهرهم

....

أنحداك

أتحداك

لو يوم تنساني

يالى عيونك

كده ظلمانى

شاييف فيا شك وحيرة

لا يا عنية...

دي نارالغيرة

أصل ف حبك

قلبي اhtar

راجع نفسك..

خد لي قرار

أبعد وانسى
واعيش في مرار
ولا استنى كده وانهار
أيوه بحبك بس باغير
نفسى اتهنى ...
معاك بمصير
....

لسه فاكر

لسه فاكر.. اللي فات

لسه بتحن فى سكات

لسه مشتاقة الإيدين

تحضن الأيام سنين

أيوه حاسة بيك وسامعة

نبض قلبك بيناديني

احضني عمري وسنيني

لسه بسأل أيوه عنك

لسه فاكرة كل طبعك

لسه عايشة جوه منك

لسه طيفك جوه مني

جوه شرياني ودمي

لسه صوتك زى نبضة
تملا أركان المكان
لسه لمسة الايديين
مالكة قلبي من سنين
لسه روجي جوه منك
دوّبت كل الحنين
نفسى أقسى عليك ولكن
جوه مني لسه ساكن
حب عشته من سنين
....

أيام بتمر

أيام بتمر من عمري

أبات مغلوب

وأقول مكتوب

وأفضل عادي

من همي

ومين يشيل كمان عني

ده انا المجروح بألامي

وانا العايش ف أحلامي

لا طایل حلمي

أعيش انا بيه

ولا الأحزان مفارقاني

وبين قضبان انا مسجون

مع شمعة بتحرق

كل وجدانى

.....

كتر خيرك

كتر خيرك

على اللى عملته معايا زمان

راجع تانى تقول ندمان

بعد ماعشت سنين ويايا

كثير فى أمان

لا غلطان

حبي وهان

قلبي وبعته

وراجع تانى ..

تقول ندمان

إندم واندم ..تانى كمان

لما تكون وياك الجنة

وماتشوفهاش

يبقى خلاص ..

يستاهل قلبك

مايعيشهاش

عشت معاك

أجمل إحساس

ضاع فى ثوانى

وكان ببلاش

كثر خيرك

إنسى خلاص

....

بواقی حطام

بعد ماعدا الوقت وفات
جای دلوقت تعید ذکراک
جای هاترجع جرح قدیم
.... بعد مالم

ایه هیفید

جای بتلم ... عیلة وبيت

بعد ماخونت

ایه هیزید

انا مش ممکن اقدر اسامح

قلب وجعنی

انا مش ممکن هارجع تانی

للى خد عنى
ارحم قلبى كفاية حرام
سببه يكمل فى الأيام
قبل ما يبقى
بواقى حطام

....

بارجے لیک

کل ما احوال أبعد عنك
أرجع تانى وافكر فيك
شاغل بالي وعقلي عليك
قلبي وعيني ... بيسهروا ليك
حتى لسانى .. كمان بيعانى
جمال معانيك
واما تقوللى : ياروحى ياقلبى
إنتى حياتى .. فداكى عيونى
بضعف تانى ..
وانسى زمانى فى حضن إيديك
وابدا تانى احوال أبعد

يمكن أنسى كل مشاعري
وانسى كلامك
لكن كان يعاندني حناني
وارجع برضو أجري عليك
واسرح تاني ... ايوه و اعاني
شوقي انا ليك
وارجع افكر إيه خلاني
كل ما احاول أبعد عنك
يرجع قلبي....
يفكر فيك !!!
....

قلب مجروح

مجروح ياقلب حزين

فارد جناحاته

شاييل بقايا الألم

من وسط دقاته

عايش ليالي الندم

مع كل اوقاته

سامع كمان مواويل

من نبض كله عليل

قسوة ومرار وأنين

وعذاب ماله نهاية

كثر المرار خلاه

يرسم كده حكاية
متلونة فى حياة
تضحك بلا نهاية
على شئى ملكته بإيد
مكسورة أحلامه
تنده بأعلى الصوت
ولا حد يسمعك
عايش ولا المكبوت
ولا حد يشفعك

....

هانشکي لمين ؟

هاتشکي لمين

ومين غيرى هيسمع لك

ومين فى الجرح

يفتح لك بيبان قلبه

ومين سامعك .. ومين حاسك

ومين راضى .. تكون له سراب

ومين عايش أمل كداب

بيحلم إنه يتحقق

ومين يمسح دموع قلبك

ومين غيرى يكون جنبك

ومين قالك كده عادى

ولو تقدر على بعادي

أنا راضي مادام مرتاح
ومهما هاتبعد المسافات
هاعيش برضو على ذكرى
بإك يوم هترجع لي
واعيش حب افكرته راح

....

بين الجنائين

بين الجنائين.. بستان ورود
فيه الأمل فاق الحدود
طرح المحبة.. عدى المدى
شافت عيون
الورد روحه بتبتسم
وياها بكرة بيت رسم
رسمت معاه أجمل حياة
وف الطريق طوق النجاة
قالت يافرحة تحبيني
وف حضن قلبك ضمينى
وبين جنائين المحبة
جددى فيا الأمل

اوصفيلى ليل في فكره
اندهيلى أعيش بذكرى
فرحينى ياأحلى وردة
وسط بستان الزهور
ياللى شمسك جوه دارك
تملا أحلامك عطور
ياللى ليلك ويّا قمرك
ف السما تسبح معاه..
أفكار لطيفى فى ليل نجاة
زهرة حلوة ف الحياة
طبطنى بقلبك عليا
حنّنى الأيام شوية
إوصفيلى الحب إيه
الحب حالة واستحالة

ينتهى من قلبى ليه
انا عايش ما بين قلبين
وجوه الحلم انا خايف
افوق والقى الحياة مسافات
يضيع عمرى سنين واهاات
لكن قادر....
أعيش حلمى واكمل فيه
ومش هياس
ده رب الكون
وعالم بي
....

صباح هادي

صباح هادي على بلادي

اللى مالكة الكون

صباح رقة وحنان دافي

بأمل وسرور

وفجر جديد ..

يشق النور بحلم بعيد

صباحك بسمة يابلادي

صباح نادى

على خدودك ياست الحسن

صباحك ضحكة بتلعب

تنادى جنودك العاشقين

ولجل تراك الغالي

يموت ملايين
أنا عاشقك .. أنا فداكى
يا أرض أبويا واجدادي
أنا المصرى تملى أصيل
بيجري ف دمي نهر النيل
أنا الميت في أراضيكى
انا اللي بعمرى أفديكى
وأنا الغرقان بتفاصيلك
وباسهر ليلى اغنيلك
على سحر وجمال نيلك

....

شكرًا

شكرا على دمعى

اللى بسببك

مانشفش فى يوم

شكرا

على قلبى اللى اتعذب

ولا داقش النوم

شكرا

على القسوة اللى فى طبعك

مش فارقة اللوم

قدمت كتير... ضعف عشائك

ولا أثر فىك

وبادوق الذل .. انا من طبعك

وعشان معاليك
شكرا بكفاية مرار وعذاب
شكرا على قلب بغدرك داب
شكرا على القلب اللي هويته
وفي الآخر باع
شكرا ع الجرح اللي فى قلبى
بخداك ضاع
شكرا بمرارة بقولها انا ليك
شكرا ياخسارة
حبي انا فيك
....

نفسى

نفسى أحكى ع اللي بيا

نفسى أحلم بين إيديك

نفسى أنسى روحى جنبك

واتولد لحظة ماقابلك

نفسى أنسى معاك آهاتى

نفسى أحس إن انت راضى

نفسى أشجار المحبة

تطرح الشوق والغرام

نفسى أوهبك حياتى

نفسى أسهر لك ليلاى

طيفى لىك على طول ينادى

ياللى صوتك نبض قلبى

ليه تمليّ عنيك تخبي
ابتسم خليني أحلم
لجل مانسى عمرى جنبك
واتولد لحظة ماقابلك

....

برة الدنيا

برة الدنيا
انا مش موجود
عايش فيها ومش مبسوط
يشوفونى الناس
دايما باضحك
يחסدوا فيا بعلو الصوت
اسمع منهم كل ملام
ليه يلومونى.. ده انا غلبان
باصحى يوماتى وكلي حنان
شايف بكرة بكل أمان
اضحك وانسى هموم الدنيا
واسأل نفسي : ليه شقيان
ليه يلومونى

الناس ع الفاضي

وشي بيضحك ..

كل ده عادي

لكن قلبي تعالى وشوفه

تلقى هموم الكون ماليه

لكن بضحك

هفضل اضحك

برة الدنيا

وجوه كمان

....

كله ف وادي

كله ف وادي
كله ف حاله
تملّي يهاتي
اللي يطبّطب على أحواله
واللي ببسأل نفسه ف حاله
واللي يقول
الغربة دي مالها
مر عذاب
كده من أحوالها
واللي ياعيني الهمّ ده شايله
واللي الدمع...
ف عينه ده عادي
واللي الحزن معشش قلبه

واللى الجرح بيسكن جنبه
واللى تملى بيحلم يكبر
كنا بنحلم نرسم فكرة
كان الحلم جميل بالفطرة
كان الخير فى قلوبنا تملى
يملا خزائن فرح وشوق
بس اتغير كل ده ليه
وليه دلوقت بنندم ليه
ليه اتحول حلمنا عتمه..
ونار وعذاب
نرسم ألف أمل كداب
نرسم شوق ويا الأعراب
يطلع حلمنا
كده على الفاضى

أرض بتطرح ...
ظلم ده عادى
وليه الحلم ... نكمل فيه
بعد ما عشنا سنين نداديه
ويطلع كله كابوس على الفاضى
كنا بنحلم حلم طويل
كان حلمنا مرسوم على شجرة
تطرح فجر بأحلام بكرة
كان الأمل اللي بيحينا
دعوة جميلة من اهالينا
كنا تملي ف أحلام بكرة
نرسم ألف ومليون فكرة
ليه دلوقت الحلم اتبدل

منخافيش

ماتخافيش
لو قالوا عنك أى شي
مايهمكيش
أو فى الجمال على قدها
ماتحزنيش
الجمال فى الروح يلالى
قطر الجواز فات بعدها
ماتزعلش
القطر جاى فى الميعاد
ماتقلقيش
قولى لسه الرب عالم
شايلى ورد وشوك مفيش
لو البنات اتجوزا .. مايهمكيش

لوقالوا بايرة يا حرام
القطر عدى وفات قوام
ماتقلقيش

الموج مخبي المنتهى ولازم نعيش
عارفة الطرحة بتحلمى بيها
نفسك رايحة للون فستانك
أبيض ف ابيض خفة دم
ربك شايل فرحة قريبة
دايما تحلى بليلة العمر
ادعي وصلي ارزقني ياربي
بأب واخ وسند وضهر
ارمي حمولي واغض عيني
ف حضنه تملي ... وانسي الهم

هو ده

هو ده .. اللى حلمت بيه

دق قلبى بنظره ليه

خد حياتى منى ليه

هو ده اللى خطفنى منى

صحى إحساسى ... وشغلتنى

ياللى حبك .. صحى فى

كل حاجة حلوة بيا

خدنى منى ... أنا كللى لىك

ياللى إحساسك وصلنى

شمسى .. ضلى

ف ليل فاضلى

فكرى يسهر لك تملّى

وروحى فىك

إعترف

إعترف

إن حبي خلا قلبك

دقة منه تكون زيادة

وان حبي ف دق قلبك

خلا أحلامك سعادة

وان لما يهمل طيفي

تنسى نفسك إنت مين

وان عمر ماكان فى بالك

فجأة يتلون خيالك

وان نظرة عيني جني

وان قلبك داب و غنى

وف حياته ماشاف سعادة

وان حبي خلا قلبك
حب كل الناس بحالها
واني كل حاجة ليك
وان كل يوم يعدي
ويا حبي هو عيد
واني عايشة ف الوريد
وان بس كل همي
إني اشوفك يوم سعيد

....

ماليش غيرك

ماليش غيرك
فى عز الجرح بالجأ له
فى وسط العتمة .. هو النور
ماليش غيرك
يللم كل أحزاني
يطيب كل آلامى
ينسى العمر أوجاعه
ويمسح دمعي من خدي
يطبب لما احتاجله
ويلمح م التعب عيني
ويمحى مر أيامي
وكل عذابي وآلامى

مليون سد

بينى وبينك مليونون سد

مهما تحاول يوم يتهد

مهما يعدى علينا الوقت

صعب وجداء

إنى أسامحك

وأفضل راضى بظلمك عادى

مهما تعاتب ولا تراضى

قلبى خلاص

تاहत حكاويه

كلمة ومعنى ومين يناجيه

بعد ما عشت

حياتى انا بعدك

صعب جدااا
انى ارجعك... انى اسامح..
انى اشتقتك...
مهما تهاتى ... ومهما تهد
عمره ما يوم ينهار السد
.....

سامح نفسك

سامح نفسك

حب وعيش

إياك تندم على تهاوئيش

حب الدنيا وانسى مرارها

صالح بكرة ويّا امبارح

صالح نفسك يلا وسامح

ربك عالم باللى فى قلبك

إرمى همومك

ويّا حمولك

ظن تملى بربك خير

عيش واتفاعل حب الغير

....

الدنيا بخير

لسه الدنيا والله بخير

فيها الحب وفيها الخير

فيها الناس

بقلوبها غلابة

فيها قلوب

مليانة طيابة

لسه بندى أمل للغير

لسه بنطرح

حب وخير

لسه قلوب ..تطرح حنية

صدق وإحساس على ملاغية

لسه الناس بتحس ببعض

لسه الضحكة.. جوه القلب

بتجمع بينا

لسه بنرسم أحلام بكرة

بكل أمانا

لسه الفرحة جوه قلوبنا

وعايشة عشانا

لسه الحزن يقرب بينا

لسه الطيبة لناس

عناوين

ترسم بسمة

لكل حزين

.....

أيام وبنعيشها

أيام وبنعيشها

إحلم وطنشها

نكبر وإيه يعنى

أحلامنا فرفشها

لازم هنتعلم

وقلوبنا تتألم

والحيرة ويانا

مسيرنا هانسلم

عدينا فيها بحور

رسمنا ليها قصور

فوق ورقة نتعلم

مكسورة ليه العين
ودموع على الخدين
دايما بتتكلم
ده مين يقدر يعيش
من غير مايتألم
مكتوب علينا نعيش
بجراحنا ونكمل
كبرنا بعد سنين
شايلين معاها مرار
القلب كله حزين
والبسمة جمرة نار
وادينا اهو عايشين
لكن بدون أعدار

.....

حبیبی ناهت

حبیبتی تاهت
لما دق قلبی لیها
لما شوقی راح إلیها
لما دمعة عینی سالت
واما حضنی لیها حن
یومها شوقت الفرحة لكن
الشجن هز الأماكن
الحنین كان مالی عینی
والفرح جوايا ساکن
فجأة ضاعت بسمتی
لما قالوا حبیبتی تاهت

فين دفاكى يامصر لينا

ضمتك تحضن إيدينا

لهفتك دايمًا علينا

فين خضارك والحنين

ليه شبابك شقيانين

ليه تملّى تعبانين

اصرخى ...

ردى السجين

زلزلى قلبى الحزين

فكى أسر المجروحين

ضفري الأحزان ولمى

صحصى حضنك وضمى

ليه تموتى وتبعدى

ارجعى ..

ليه تعندى
أيوه شايفك من بعيد
فرحة ساكنة ف قلب عيد
لملمى ولادك يا أمى
ماتموتيش فى عيون تملي
شايفه ليكي من بعيد
فرحة ساكنة فى الوريد

.....

صعب جدا

صعب جدا.. إني اصدق

ان قلبك يقسى يوم

طول ما عمرى لسه باقى

إني اشيل عنك هموم

صعب جدا تمحي ذكرى

لسه شايفة بكرة فكرة

لسه نبض حياتها انت

لسه بعشق من غورك

كل نظرة من عيونك

لسه شاهد بالعيان

نظرتك تملأ الكيان

....

ندمانة

ندمانة

فى يوم انى اديتك

انا كل مشاعري

وحبيتك

ظنيتك فارس أحلامى

ملكتك أجمل أيامى

وبطيبة قلبى ...

انا حبيتك

ضيعت معاك ...

أحلى سنينى

تؤمرنى واطواع طلباتك

وبانفذ لك
أنا رغباتك
كنت الكلمة
ف طرف لساني
وحروف اسمك
كت عنواني
بس خلاص
انا قلبي اتعلم
انه يعيش
على طول
وحداني
.....

لازم أعيش

لازم أعيش واتحمل
واقول معلش وهاكمل
وغصبن عني بتألم
واعيش فى مرارة واتعلم
واقول بكرة يشق النور
واعيش الحلم من تانى
والملم فى الجراح دواوين
واقول بكره هعيش لى يومين
وهاستنى يفك حصار
ويطلع تانى أى نهار
وهايعدى ضباب الليل
وتبدأ من حياتي حياة
مابين أملي .. وأحلامي

هاعيش بكرة عشان ذكرى
وحلم جميل
بنيت أحلامي عشانهم
واقول بكرة يا حلم تعود
هاعيش واتمى تحييني
وتمسح لى دموع عيني
وهاغزلك ستاير فرح
وتدهنى تفرحنى
تطيب كل آلامى
وتبدأ فرحتى تانى
وهانسى حياة نهارها الآه
وتملا القلب أحلامي

إيه يسناهل

وايه فى الدنيا يستاهل
دى نبكى عليه
وايه يعنى..
أكون مظلوم
واكون محروم من الضحكة
تعدى عليا أيامى
كده وحلة
أحاول افوق
وانسى واروق
ألاقى الفرحة عاندتنى
واداوي جراحي
بدموعي
ولا اقدر حتى اتكلم

ودايما عايش أتالم

ومات الفرح جوايا

وكان لا بد أتعلم

.....

أحظيني يا أمه

أحزني يا امه
عوضيني
إحساس الوفا
قلبي تعب
م البعاد و الجفا
إزاي أعيش
من غير دفا
أحزني .. وطميني
وان يوم بعدت ... رجعيني
مش بخاطري ..
الشوق نده
قلت جايز يوم ف بعدى
يلقى يوم قلبي الهنا
وارتاح انا

اتارى يا امه
كل مرة أبعد فيها
مش بلاقي يوم هنا
مافيش يأمى أى حد
ياخد مكانك وده بجد
وانتى لسه بتدعى ليا
أيوه دعوة أم غالية
عمرها ماكرهت فى ثانية
ربت وشالت.. كبرت
وبعت عنها عشان عيون
واحدة تانية
جيت عليكى
وقصاد عينيكى
باعترف ويا الدموع

كده من سكات
أيوه فى حضنك
كنت انام انا بالساعات
بعدت عنك غصب عنى
سامحيني يامه
على اللى فات
....

إجري يا عمر

إجري يا عمر ومر قوام

يوم بيعدى كبرنا كمان
إجرى ياعمر وهات أحزان
وابكي علينا كمان وكمان
مهما نسابق في الأيام
مر في مر نعيشه بذل
إجرى ياعمر
وهات م الظلم
ما احنا كبيرنا
نشيل الهم
بص وشوف
في وجوه الناس
عمر بيسبق
عمر خلاص
إجرى ياعمر

واسبق بكرة

جرب..

جايز نلقى الفكرة

قبل حياتنا ما تكون ذكر

....

أنا

أنا اللي دموعى سبقتنى

وليه الدنيا سرقانى

ومن نفسى تملّى باتوه
أنا اللى الوحدة صاحبتنى
وليه الدنيا عاندتنى
تمرجح فى أحلامى
ساعات الفرح بتعدّى
ولا تهدي
ساعات الحزن بيعشش
بيسكن جوا شرايينى
ويقتل كل أحلامى ويولد خوف
يدمر كل افكارى

دم مين ؟

مش هيفرق دم مين

دم عيسى .. ولا موسى
ولا حتى عم امين
هو الدم له ديانة
يا بلطجية يامجرمين
دم ابني .. دم ابنك
كله دم المصريين
ليه يامجرم هان عليك
دم اخوك ..
اللى فى ايديك؟
انت فاكر لما تقتل
تضحك الدنيا ف عنيك؟
لما دمه يسير ف ارضه
يطرح الورد ف ايديك؟
انت ناسى ان بكرة

يجى يوم و يلف بيك
يبقى دمك زى دمه
اللى ف ايديك
ليه بتقتل أى واحد
كل ذنبه انه بريئ
كان بيحلم ان بكرة
يكون سعادته ليه
ليه تسيب ..
فى حياتنا نكرو
نبكى فيها يوم عليك
بس قولى لجل مين
تمشى تقتل فى المساكين؟
إوعى تحسب راح نسيبك
أصل ولادنا دول غاليين

....

أنا النايه

أنا النايه

ما بين سطرين

أتحداك (أشعار)

وبين نوحى
انا الورقة
المرسومة و بجروحي
أنا الحالة
اللى تشجيني
تضيع عمري وسنيني
لا انا العايش...
ولا الميت
وباحلم حلم متقيد
انا الطاقة
اللى جوه النور
بتتمنى تعدي بحور
وانا النجمة
ف وسط الليل

تنور للي قلبه

عليل

أنا العتمة

اللى ظلمانى

بضعف وحيرة

عشقانى

انا التايه

بحلم وويل

.....

ماعادش باقى

ماعادش باقى

غير دموع مالية العيون

ماتت مشاعر
مستحيل كانت تهون
مهما تمحي في اللي فات
مهما هاتعيد في حكايات
ذكرياتي معاك نسيتها
غصب عني صحيح محبتها
مستحيل ...
انا يوم اصدق
يالي كنت حنة مني
يوم تبيعني او تخوني
يوم تفرقنا الليالي
وانسى عمري معاك ياغالي
كنت أقرب حاجة ليا
شي بيمحي في الأسيّة

خذت كل حب عندي
والتقيت نفسي الضحية

....

طعم الحياة

طعم الحياة ... بقي مر
أيام .. مش عايزة تمر
وسنين بادوق الذل
عايش ضعيف مكسور

صبري نفذ منى
والدمعة حضانى
والضحكة سيبانى
شربت كأس المر
حالى تملى يغم
قلبى اتقسم منى
وعذابى جوايا

بنشبهنى

بتشبهه

كل ملامحى ف صمت
بترسم بيت فى أحضانى
و تعزف لحن ف ودانى
وباتكحل جمال صورتك

وبين شرياني تفاصيلك
وباسهر ليلى اغنيك
بتشبه ليل عليل وحزين
بدمعة حزن مرسومة
على الخدين
دعيت الشوق تكون ليا
وتصبح ن في عينيه
وتشبه كل تفاصيلي
ونجمة منورة ليلى
في لحظة حب مشتاقه
لضي عينيك

....

صرخة ألى

ماتنزلىش

يادموع مطر

قلبى الضعيف

عائش كفيف

من غير وطن

شاييل جروح
من قلب كان
عايز سكن
لملم جراح
المجروحين
جفف دموع
المشتاقين
لحم بات
وياه حزين
يغزل جراح
ويا الأنين
وبيات معين
لجل البشر
يسطر سطور

المذبحة

يعلى الصراخ

صرخة ألم

صرخة ندم

صرخة حنين

لقلب شقق

م الجراح

نفسه ف سماح

يعزف بنبض المفترق

لملم جراح المظلمة

قلبي الحزين

مكسور تملي

بملحمة

....

مسنحيل

مسنحيل

انى اعشق

غيرك انت

أو لغيرك

يوم ها ميل

بلقى حبك

حضنه دافي
وقلبه صافى
لهفتك بتحس بيا
ياللى من طيفك هنايا
ياللى من صوتك دفايا
ياللى حضنك يتحكى
ب مليون حكاية
انت بس حلم عمرى
اللي فيه بيكون هنايا
.....

حياتي حروف

حياتي حروف
بعيشها بخوف
ومستي
الاقى امان
ونبع حنان
وحب في حزنه
متهني
وبحسب وقت

لفراقي
مادمت ضعيف
عايشها كفيف
ما بين ليلى
واشواقي
وبحلم يوم
ويجي صباح
يخليني اعيش
مرتاح

.....

ولانك

ولانك
كنت الدنيا بحالها
وكنت عيوني
اللي بشوف بيها
طريق الورد
ولانك كنت لي
شمسي وقمري
وضلي
واجمل حزن
في عز البرد

ولإنك قسوه
وظلم وقهر
وتعب القلب
ولإنك خدت
حياتي لجنه
وسببتي ضايعة
في وسط النار
ولإنك كنت لي
رسمه جميلة
في وسط خيالي
ليل ونهار
ولإنك لحظة طيش
بتعدي ف وسط
حصار
عمري ما هار كع
يوم لعذابك

ولا هستسلم

ولا هنهار

بسمة حزن

بسمة حزن

مرسومة

في كل عيون

بتتألم

ولحظة ظلم

محفورة

ما بين ذكري

بتتندم

بنرسم ضحكة

كدابة

في دنيا كلها
غاية
بنعزف نبض
بجروحنا
يمكن ترجع لنا
روحنا
ونحسب وقت
لفراقنا
ونحزم كل
اشواقنا
ونتكتف
لا بوح هيفيد
ولا دمة
نعذب بس
أرواحنا
تضيع ضحكنا

بجراحنا
ونوهم نفسنا
احنا
بوهم سراب
ومش موجود
ونتمنى حياتنا
تعود
.....

انمينك

اتمينتك

دوا لعيوني

ورد بيعشق

رمش جفوني

بسمة رقيقة

تحلى في كوني

بتخليني

اعيد تكويني

واعشق كل

حواسي بهمسة

وارسم ضحكة

وارسم بسمة

وانسي سنيني

واحلم اني
ملكـت الكون
وانسي هموم
كانت ملياني
واسرح افكر
فيك بكياني
واعشق اسمي
لما تقوله
بأحلى شفـايف

.....

الشاعر في سطور

الاسم : هبة حسن حسين

المؤهل : دبلوم حاسب ألي

عضو رابطة الزجالين وكتاب الأغاني

عضو نادي أدب القلج بالقلبيوية

عضو مؤسس فريق نجوم على طريق الابداع

لتبني المواهب الصغيرة

لي صفحة علي مواقع التواصل الاجتماعي فيس بوك

بأسم هبة حسن

لي مدونه اليكترونيه بأسم همس الحروف

شهادات التقدير

- أكثر من شهادة تقدير من مجلة همس مصر للشعر والأدب
- شهادة تقدير من حزب مصر القومي
- شهادة تقدير من منتدى الأجابة الأدبي
- شهادة تقدير من حزب الحرية بالاسكندرية
- شهادة تقدير وميدالية من مجلة أنامل الشعراء وحصولي
- على المركز الثالث في مسابقة المجلة السنوية
- الاشترك في ديوان مجمع لمجلة همس مصر للشعر والادب

الفهرس

الصفحة	القصيدة	م	الصفحة	القصيدة	م
36	شكرًا	18	3	الإهداء	1
38	نفسى	19	4	إهداء خاص	2
40	برة الدنيا	20	5	هاتصدقني	3
42	كله ف وادي	21	7	أبوة بسكت	4
45	متخافيش	22	9	تاهت خطاويننا	5
47	هو ده	23	11	حاسدني	6
48	اعترف	24	13	بنت واحدة	7
50	ماليش غيرك	25	15	أتحداك	8
51	مليون سد	26	17	لسة فاكرا	9
53	سامح نفسك	27	19	أيام بتمر	10
54	الدنيا بخير	28	21	كثر خيرك	11
56	أيام وبنعيشها	29	23	بواقى حطام	12
58	حبيبتي تاهت	30	25	بارجع ليك	13
61	صعب جدا	31	27	قلب مجروح	14
62	ندماتة	32	29	هتشكي لمين؟	15
64	لازم أعيش	33	31	بين الجنابين	16
66	إيه يستاهل	34	34	صباح هادي	17

الصفحة	القصيدة	م	الصفحة	القصيدة	م
87	مستحيل	44	68	أحزني يا مة	35
89	حياتي حروف	45	71	إجري يا عمر	36
91	ولإنك	46	73	أنا	37
93	بسمة حزن	47	74	دم مين؟	38
96	إتمنيك	48	77	أنا التايه	39
98	الشاعر في سطور	49	79	ماعادش باقي	40
99	شهادات التقدير	50	81	طعم الحياة	41
101	الفهرس	51	82	بتشبهني	42
			84	صرخة الم	43